

## ՀԱՇՎԵՏՎՈՒԹՅՈՒՆ

2019թ. օգոստոսի 19-ից 23-ը Սոնգրո (Կորեայի Հանրապետություն)՝ շրջակա միջավայրի նախարար Էրիկ Գրիգորյանի գործուղման վերաբերյալ

### 1. ԳՈՐԾՈՂՎԱԾ ԱՆՁ

Էրիկ Գրիգորյան

### 2. ԶԲԱՂԵՑՐԱԾ ՊԱՇՏՈՆԸ

Շրջակա միջավայրի նախարար

### 3. ԳՈՐԾՈՂՄԱՆ ՎԱՅՐԸ ԵՎ ԺԱՄԿԵՏԸ

Սոնգրո (Կորեայի Հանրապետություն)

2019թ. օգոստոսի 19-ից 23-ը

### 4. ՀՐԱՎԻՐՈՂ ԿՈՂՄԸ

Կանաչ կլիմայի հիմնադրամ (GCF)

### 5. ԳՈՐԾՈՂՄԱՆ ՆՊԱՏԱԿԸ

Մասնակցություն «Կանաչ կլիմայի հիմնադրամի ծրագրերի վերաբերյալ գլոբալ կոնֆերանսին»:

### 6. ՔՆՆԱՐԿՎԱԾ ԹԵՄԱՆԵՐԸ, ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐ

Կոնֆերանսի շրջանակներում տեղի է ունեցել նախարարական պանել քննարկում, որի ընթացքում այլ մասնակից նախարարների հետ ներկայացրել եմ Հայաստանի խոցելիությունը կլիմայի փոփոխությանը, կլիմայի ոլորտում իրականացվող և սպասվող գործողություններն ուղղված կլիմայի փոփոխության մեղմմանը և հարմարվողականությանը: Ներկայացրել եմ Հայաստանում ազգային կարողությունների հզորացման կարևորությունը՝ ոլորտում երկկողմ և բազմակողմ ձևաչափերով, առավել արդյունավետ գործողություններ իրականացնելու նպատակով:

Բարձրաստիճան կոնֆերանսի ընթացքում քննարկվել են հետևյալ հարցերը.

- երկրների կողմից Հիմնադրամի ներքո մշակվող ազգային ծրագրերի կարևորությունը՝ երկկողմ համագործակցության արդյունավետությունը բարձրացնելու նպատակով,
- հիմնադրամի աջակցությամբ կլիմայական հավակնոտ մեղմման և հարմարվողականության գործողություններ իրականացնելը, Կանաչ կլիմայի հիմնադրամի առաջիկա չորս տարիների ռազմավարական նպատակները, հիմնադրամի աջակցությամբ ոլորտային աշխատանքներում մասնավոր հատվածի ներգրավվածության

հնարավորությունները, ինչպես նաև ազգային կարողությունների հզորացումը:

## **7. ԵՐԿԿՈՂՄ ՀԱՆԴԻՊՈՒՄՆԵՐ**

Վերոնշյալ հանդիպման ընթացքում երկկողմ հանդիպումներ են ունեցել կանաչ կլիմայի հիմնադրամի գործադիր տնօրեն Յանիկ Գլեմարեկի հետ, որի ընթացքում քննարկել ենք Հայաստանի և կանաչ կլիմայի հիմնադրամի հնագործակցության շրջանակներում ընթացիկ ծրագրերը, ինչպես նաև հետագա համագործակցության հեռանկարները՝ մասնավորապես Հայաստանում հիմնադրամի կողմից դրամաշնորհային ծրագրերի շրջանակներում «Պատրաստվածության և աջակցության» այլ ծրագրեր իրականացնելու հնարավորությունները: Վերջիններս կաջակցեն Հայաստանում ազգային կարողությունների հզորացմանը, որն էլ իր հերթին կնպաստի երկկողմ համագործակցության արդյունավետությանը: Կենսոլորտային պահպանավայրերի և գեոպարկերի հիմնման գործընթացը:

Երկկողմ հանդիպում են ունեցել նաև Համաշխարհային օդերևութաբանական կազմակերպության գլխավոր քարտուղարի տեղակալ Ելենա Մանաենկովայի հետ: Հանդիպման ընթացքում քննարկվել է Հայաստանում միջազգային լավագույն փորձի հիման վրա միասնական մոնիտորինգի կենտրոնի ստեղծման հնարավորությունները՝ մասնավորապես քննարկվել է Շվեյցարիայի փորձի կիրառման հնարավորությունը: Այդ նպատակով քննարկվել է Համաշխարհային օդերևութաբանական կազմակերպության կողմից ֆինանսական և տեխնիկական աջակցության շրջանակները:

## **8. ԶԵՌՔ ԲԵՐՎԱԾ ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ԺԱՄԿԵՏՆԵՐԸ, ԱՌԱՋԱՐԿՈՒԹՅՈՒՆՆԵՐԸ**

Կանաչ կլիմայի հիմնադրամի գործադիր տնօրեն Յանիկ Գլեմարեկի հետ ձեռք է բերվել պայմանավորվածություն առաջիկայում շրջակա միջավայրի նախարարության կողմից՝ որպես հիմնադրամի ազգային լիազոր մարմին ներկայացնել «Պատրաստվածության և աջակցության» ծրագրային առաջարկներ, որին կհաջորդի կարծիքների փոխանակում հիմնադրամի և շրջակա միջավայրի նախարարության միջև: Լավագույն ծրագրային առաջարկների համար շրջակա միջավայրի նախարարության համակարգման ներքո և հիմնադրամի տեխնիկական աջակցության միջոցով կմշակվեն «Պատրաստվածության և աջակցության» ծրագրային հայտեր:

Համաշխարհային օդերևութաբանական կազմակերպության գլխավոր քարտուղարի տեղակալ Ելենա Մանաենկովայի հետ ձեռք է բերվել պայմանավորվածություն կազմակերպել մասնագիտական եռակողմ քննարկում շրջակա միջավայրի նախարարության, Համաշխարհային օդերևութաբանական կազմակերպության և Շվեյցարիայի մոնիտորինգի կենտրոնի աշխատակիցներ միջև: Քննարկումն ուղղված կլինի Շվեյցարիայի մոնիտորինգի կենտրոնի

օրինակի հիման վրա Հայաստանում միասնական մոնիտորինգի կենտրոնի ստեղծման հնարավորությունները և Համաշխարհային օգերևութաբանական կազմակերպության աջակցության շրջանակները:

Շրջակա միջավայրի նախարար

Էրիկ Գրիգորյան

X

---